

永樂北藏



永

樂

北

藏

趙樸初題



永樂北藏第一四六冊目錄

○宗鏡錄

續前

(本冊卷第三十四至卷第七十)

實四——刻十

夫境識俱遣眾生界空諸佛究竟成得何法
答一切異生因識對境於生死中妄生執著
起常等四倒一乘之人於涅槃中妄求解脫
起無常等四倒諸佛如來因境識俱空能離
八倒成得真常樂我淨四波羅蜜寶性論云
依二種法如來法身有淨波羅蜜一者本天
自性清淨以同相故二者離垢清淨以勝相
故有二種法如來法身有我波羅蜜一者遠

離諸外道邊以罪虛妄我戲論故二者遠離
諸聲聞邊以離染我戲論故有二種法如來
法身有樂波羅蜜一者遠離一切苦二者遠
離一切煩惱習氣有二種法如來法身有常
波羅蜜一者不滅一切諸有為行以離斷見
邊故二者不取無為涅槃以離常見邊故勝
鬘經云世尊見諸行無常是斷見非正見見
涅槃常是常見計工是妄想見故作如是見
所以如來唯證四德涅槃秘密之藏○問既
經云見諸行無常是斷見非正見見涅槃常

宗鏡錄卷第三十四

實四

宗慧日永明妙圓正修智覺禪師延壽集

夫境識俱遣衆生界空諸佛究竟成得何法
答一切異生因識對境於生死中妄生執著
起常等四倒二乘之人於涅槃中妄求解脫
宗四起無常等四倒諸佛如來因境識俱空能離
八倒成得真常樂我淨四波羅蜜寶性論云
依二種法如來去身有淨波羅蜜一者本來
自性清淨以同相故二者離垢清淨以勝相
故有二種法如來法身有我波羅蜜一者遠

離諸外道邊以離虛妄我戲論故二者遠離
諸聲聞邊以離無我戲論故有二種法如來
法身有樂波羅蜜一者遠離一切苦二者遠
離一切煩惱習氣有二種法如來法身有常
波羅蜜一者不滅一切諸有爲行以離斷見
邊故二者不取無爲涅槃以離常見邊故勝
鬘經云世尊見諸行無常是斷見非正見見
涅槃常是常見非正見妄想見故作如是見
所以如來唯證四德涅槃秘密之藏○問旣
經云見諸行無常是斷見非正見見涅槃常

是常見非正見者云何教中或說無我又說於我豈不相違耶答夫說常與無常我與無我但形言跡皆是方便所以肇論云菩薩於計常之中演非常之教以佛初出世便欲說圓常之妙門真我之佛性爲一切外道皆妄執神我徧十方界起於常見若說真常樂我淨恐濫邪解且一時拂下情塵故云無常無樂無我無淨又二乘及權假菩薩不知諸佛秘旨執方便門忽忽取證皆住無我之理以爲究竟世尊又愍不達遂乃具說常樂我淨

若有於此究竟之說明見真我佛性人木蟲塵分明無惑尚不住於中道豈更見有常無常我無我二見之所亂乎或若雖聞常樂我淨之名只作常樂我淨之解隨語生見昧自真心則我無我之藥成我無我之病故知真我難辯非證不明如大涅槃經云譬如二人共爲親友一是王子一是貧賤如是二人互相往反是時貧人見是王子有一好刀淨妙第一心中貪著王子後時捉持是刀逃至他國於是貧人後於他家寄卧止宿即於眠中

宗四

寢語刀刀傍人聞之收至王所時王問言汝
言刀者何處得耶是人具以上事答王王今
設使屠割臣身分張手足欲得刀者實不可
得臣與王子素為親厚先與一處雖曾眼見
乃至不敢以手撐觸況當故取王復問言卿
見刀時相貌何類答言大王臣所見者如殺
羊角王聞是已欣然而笑語言汝今隨意所
至莫生憂怖我庫藏中都無是刀況汝乃於
王子邊見時王即問諸羣臣言汝等曾見如
是刀不言已崩背尋立餘子紹繼王位復問

輔相卿等曾於官藏之中見是刀不諸臣答
言臣等曾見覆復問言其狀何似答言大王
如殺羊角王言我庫藏中何處當有如是相
刀次第四王皆檢校求索不得却後數時先
逃王子從他國還來至本土復得為王既登
王位復問諸臣汝見刀不答言大王臣等皆
見覆復問言其狀何似答言大王其色清淨
如優鉢羅華復有答言形如羊角復有說言
其色紅赤猶如火聚復有答言猶如黑蛇時
王大笑卿等皆悉不見我刀真實之相善男

永樂北藏

宗鏡錄

第一四六冊

子菩薩摩訶薩亦復如是出現於世說我真
相說已捨去喻如王子持淨妙刀逃至他國
凡夫愚人說言一切有我有我如彼貧人止
宿他舍竊語刀刀聲聞緣覺問諸衆生我有
何相答言我見我相大如拇指或言如米或
如稗子有言我相住在心中熾然如日如是
衆生不知我相喻如諸臣不知刀相菩薩如
是說於我法凡夫不知種種分別妄作我相
如問刀相答似羊角是諸凡夫次第相續而
起邪見爲斷如是諸邪見故如來示現說於

無我喻如王子語諸臣言我庫藏中無如是
刀善男子今日如來所說真我名曰佛性如
是佛性我佛法中喻如淨刀善男子若有凡
夫能善說者即是隨順無上佛法若有善能
分別隨順宣說是等當知即是菩薩相貌○
問平等空門一心大旨旣美惡無際凡聖俱
圓何乃受潤有差苦樂不等答萬事由人自
召唯心一理無虧美惡但自念生果報焉從
他得如傳奧法師云但以內有惡業則外感
邪魔若內起善心則外值諸佛斯則善惡在

已而由人乎哉是以西施愛江嫫母嫌鏡實
爲癡也且君子尚求諸已而不怨天尤人況
菩薩歟若能深信斯談則可以虛心絕想頓
入法空矣故起信論云或有衆生無善根力
則爲諸魔外道鬼神之所惑亂若於坐中現
形恐怖或現端正男女等相當念唯心境界
則滅終不爲惱是知聖者正也心正即聖故
云心正可以辟邪如日月正當天草木無邪
影故知此心是凡聖之宅根境之原只爲凡
夫執作賴耶之識成生死苦惱之因聖者達

爲如來藏心受涅槃常樂之果若云阿賴耶
識則有名無體以情執有不究竟故當證聖
時其名即捨若云如來藏心則有名有體以
本有非執故至未來際不斷故如以金作銀
銀相虛金體露現如來藏作賴耶賴耶相虛
藏性現今衆生以隨情執重故多認賴耶不
信有如來藏以不信故自既輕慢又毀滅他
人謗法之憊無過此失念念昧如來法界之
性步步造衆生業果之因惡業日新苦緣無
盡於安隱處生衰惱心向解脫中成繫縛果

永樂北藏

宗鏡錄

第一四六冊

受燄口針喉之體經劫而飢火焚燒作披毛
戴角之身觸目而網羅縈絆或墮無間獄抱
劇苦而常處火輪或生脩羅宮起鬪諍而恒
雨刀劍或暫居人界剎那而八苦交煎或偶
處天宮倏忽而五衰陷墜長沉三障不出四
魔皆為不知如來藏心失唯識妙性背真慈
父備賃外方捨大智王依投他國是以諸佛
駕入火宅祖師特地西來指真歸而不歸示
止見而弗見都為藏識熏處無始堅牢執情
厚而如萬疊冰崖疑根深而似千重閻室今

者廣搜玄奧不厭文繁和會千聖之微言洞
達百家之秘說無一法不順能成孝義之門
無一念不和盡為無諍之道則六入空聚畢
竟無人五陰舍中豁然虛寂是以內無所作
外無所依外無所依萬有不能絆內無所作
千慮不能馳遂得靜佛邊疆絕一塵而作亂
匡法國土無一境而不降可謂會天性於此
時更無異種定父子於今日唯我家風如鴛
僝魔羅經云常受人天一切快樂族姓殊勝
悉皆具足斯由聞知一切衆生悉有如來常

住藏故乃至若彼衆生去來現在於五趣中
支節不具輪轉生死受一切苦斯由輕慢如
來藏故○問但了一心不求諸法紹隆三寶
自行化他得圓滿妙覺位不答覺心無易則
開佛知見佛知見開無幽不矚不二之相佛
眼所見一實之道佛智所知照窮法界之邊
洞徹真原之底上成諸佛下化衆生靡不由
茲自他俱利夫欲正修行者不歸宗鏡皆墮
邪修或滯權小此宗鏡正義過去十方一切
諸佛於此圓修已成現在一切諸佛現成未

來一切諸佛當成過去一切菩薩已學現在
一切菩薩現學未來一切菩薩當學所以起
信論明須先正念真如之法石壁鈔云謂一
切行門皆從真如所起以是行原故非真流
之行無以契真何有契真之行不從真起此
乃是所信法中之根本故所以萬緣所起起
自真如會緣所入入於真如菩薩發心先念
真如菩薩起信亦先信真如菩薩所行亦契
會真如又問云何是信真如之相答不信一
切法是信真如之相以真如理中本無諸法

若見諸法爲有是信諸法不信真如是以無
風植廣大菩提一乘種子之因緣者卒難起
信故祖師頌云大緣與信合或得入宗鏡者
是知非小緣矣如楞伽經云爾時世尊告大
慧菩薩攝受大乘者則攝受諸佛菩薩緣覺
聲聞攝受諸佛菩薩緣覺聲聞者則攝受一
切衆生攝受一切衆生者則攝受正法攝受
正法者則佛種不斷佛種不斷者則能了知
得殊勝入處知得殊勝入處菩薩摩訶薩常
得化生建立大乘十自在力現衆色像通達

衆生形類希望煩惱諸相如實說法如實者
不異如實者不來不去相一切虛偽息是名
如實又云佛言但覺自心現量妄想不生安
隱快樂世事永息安隱快樂者則寂靜妙常
世事永息者則攀緣已斷可謂遇圓滿寶藏
頓絕希求到常樂涅槃更無所至是凡聖之
際如達家鄉爲迷悟之依已窮根本大涅槃
經云金剛寶藏無所缺減華嚴經偈云種種
變化無量力一切世界微塵等欲悉了這從
心起菩薩以此初發心寶藏論本際品云是

宗四

七

以本際無名名於無名本際無相名於無相
名相既立妄惑遂生真一理沉道宗事隱是
以無名之朴徧通一切不可名目過限量界
一體無二故經云森羅及萬像一法之所印
即本際也然本際之理無自無他非一非異
句含一氣該入萬有若復有人自性清淨舍
一而生中無妄想即謂聖人然實際中亦無
聖人法如微塵許而有異也若復有人自性
清淨舍一而生中有妄想自然濁亂則謂凡
夫然實際中亦無凡夫法如微塵許而有異

也故經云佛性平等廣大難量凡聖不二一
切圓滿咸滿草木周徧護護乃至微塵毛髮
莫不合一而生故云能了知一萬事畢也是
以衆生皆乘一而生故云一乘若迷故則異
覺故則一故云前念是凡後念即聖又云一
念知一切法也是以一即一切一切即一故
云以一之法功成萬像故經云一切若有心
即迷一切若無心即徧十方故真一萬差萬
差真一譬如海涌千波千波即海一切皆無
有異也乃至萬物舍一而生即彼萬物亦爲

一也何以故以本一故末則無異譬如檀生檀枝非椿木也故法華經偈云十方佛土中唯有一乘法一乘者即一心也一切萬有十方虛空皆從真如一心之種子所現如檀生檀枝蘭生蘭葉乃至本末中邊更無異相故

宗四

云一即一切一切即一若能如是何慮不畢若能如是究竟圓通此外更無不了之法則無理而不明無事而不盡以一法能成一切法故如華嚴疏云若入此觀法則智與心相應是以因由心學果是心成境由心現解由

心起分位神通是心力用造作是心現起分別是心決擇所得是心乃至尋求知識造詣佛土並皆是心心外無得何所疑耶故知心垢則娑婆現相心淨則華藏舍空迴轉而恒起識輪交羅而匪離心網故海幢不起寂定廣作十方佛事之門善財不出道場徧歷一百十城之法是以文殊即自心能證之妙慧善財至彌勒一心佛果滿後却令見文殊因位將極令返照心原更無有異未始動念故再訪文殊不見其身者但了自心空般若故

是真見文殊普賢是自心所證法界無盡妙
行善財雖徧法界叅諸善友欲見普賢不假
別指便於初會始成之處如來座前而起念
求隨念即見普賢在如來前初無動移此正
顯觀心即見希奇之相見聞證入由覩前相
即是見心故以普賢身相如虛空徧一切處
故以普眼菩薩等入百千三昧求覓普賢不
見只謂離念入定厭境求真不知塵塵是文
殊念念即普賢故是以善財一人運悲智而
橫廣十方修願行而豎窮三際從初至後因

滿果圓明顯一心以為榜樣總攝一切始行
菩薩諸觀行人皆倣此修離此觀心別無殊
勝乃至六度萬行若不了自心皆成權漸果
歸生滅報在人天若能運心福智無盡如大
智度論云菩薩摩訶薩知諸法實相無取無
捨無所破壞行不可得般若波羅蜜以大悲
心還修福行福行初門先行布施菩薩行般
若波羅蜜智慧明利能分別施福施物雖同
福德多少隨心優劣如舍利弗以一鉢飯上
佛佛即迴施狗而問舍利弗汝以飯施我我

以飯施狗誰得福多舍利弗言如我解佛法
義佛施狗得福多舍利弗者於一切人中智
慧最上而佛福田最爲第一不如佛施狗惡
田得福極多以是故知大福從心生不在田
也如舍利弗千萬億倍不及佛心問曰如汝
說福田妙故得福多而舍利弗施佛不得大
福答曰良田雖復得福多而不如心所以者
何心爲內主田是外事菩薩本緣經偈云若
行慧施時福田雖不淨能生廣大心果報無
有量故知福從心生不因田出別請五百阿

羅漢不如依次一凡僧何者以平等心福勝
取捨心福微則勝劣由心豈在田乎施法既
爾六度萬行亦然所以清涼鈔云因該果海
果徹因原以極果由於始信信依本智而起
今不離本智故斯則以因成果攝果酬因然
因有二種一約本有恒沙性德信解行願等
無不具故二約修起謂依本信德而起信心
依本解德而起解心如起信論云以知法性
無慳貪故隨順修行檀波羅蜜等故一一修
起皆帶本有俱來至果無間道中一時頓圓

宗四

十

解脫道中因果交徹名為得果果亦有二者本有菩提涅槃一切佛性本覺具故二者修起令證菩提始覺悟故始覺同本無復始本之異名究竟覺則二果無礙然二因本從本覺體上起來則二因與本果無礙始覺既同本覺則果全同於二因則二因與二果交徹故因該果海果徹因原又初發心時便成正覺因該果也雖得佛道不捨菩薩行果徹因也華嚴論云善財一念發心頓無能所了三世性性絕古今自覺自心本來是佛不成

正覺不證菩提身心性相無證修者不成不壞本來如是隨緣動寂不壞有無所行諸行皆唯智起斯宗鏡旨是善巧智之所知廣大心之所信如華嚴經云知一切衆生種種所緣唯是一相悉不可得一切諸法皆如金剛

宗四

十二

善巧智是以上至妙覺極聖之位中及大權菩薩修行之門下至底下凡夫生死之地皆同一心無有高下迷之自墮悟之即昇迷悟似殊真心靡易古德云不鏡方寸虛負性靈又云自己不明則是空受他物如此開示不

負前機持王庫之真刀得雪山之正味證解
信入之者直紹寶王見聞隨喜之人能成佛
種斯恩難報莫等尋常任肩負頂戴盡塵沙
劫中亦不能報一句之恩仰思曠古求法之
人釋迦文等投身大火翹足深林析骨剗身
剥皮刺血乃至常啼東請善財南求藥王燒
手普明刎頭皆是知恩報德之人爲法忘軀
之士今勸後學生殷重心勿得自輕虛擲光
景○問妙明真心覺王秘旨理雖圓頓正解
難成更希善巧之門重證將來之信答前已

引法說今更將喻明此宗鏡一心是諸法自
性如一珠有八萬四千孔入一孔全收珠體
似一月影現一切水一一影不離月輪又若
分白旃檀片片而本香無異猶布青陽令處
處而春色皆同是則一法明心萬緣指掌皎
然法喻可以收疑○問凡曰提宗直陳正義
何須引喻廣具繁文答爲未直下頓悟之人
不無方便如方便心論云若就喻者凡聖同
解然後可說如言是心動發猶如迅風一切
凡夫知風動故便得決了心爲輕躁若不知